

Chondrilla, hieracioides, foliis caulinis pin-
nato-multifidis, pedunculorum bracteis aculei-
formibus, floribus sub-corymbosis, pappo ses-
sili subplumoso. *Roth Catalect* I. p. 101.

Caulis erectus, teres, laevis, glaber, ramosus
tripedalis. Rami alterni. Folia laevia, glabra,
alterna: radicalia caulinaque pinnatifida: laciniis
linearibus acutis: suprema lanceolata integerrima:
radicalia inferioraque petiolata: reliqua ses-
silia. Rami apice trichotomi: pedunculo inter-
medio indiviso: laterales trifidi. Bractee patulae
lineares. Calycis squamae inferiores lineares
patulae. Corollae flavae. Pericarpia striata:
pappo persistenti denticulato. Flores magnitu-
dine *Crepidis* variae.

h. H. Annua.

P a p p u s p a l e a c e u s.

CICHORIUM, *pumilum*, caule subflexuoso, foliis caulinis
oblongis semiamplexicaulibus, floribus sessilibus.
Jacquin. Obs. IV. p. 3. *icon.* t. 80.

h. H. Annuum.

P a p p u s f e t a c e u s.

S C H M I D T I A.

Calyx oblongus: foliolis aequalibus lineari-
lanceolatis: basi auctus foliolis minimis calyce
adpressis. Corollulae lineares truncatae quinque-
dentatae hermaphroditae numerosae. Stamina
quinque. Stylus unus. Stigmata duo reflexa.

Peri-

Pericarpia subtetragona striata glabra. Pappus setaceus persistens denticulatus. Receptaculum nudum serobiculatum.

— *fruticosa*, caule fruticoso, foliis perennantibus lanceolatis dentatis glabris, pedunculis ramosis terminalibus, sub flore squamosis.

Caules plures subrecti teretes glabri laeves ramosi. Rami alterni. Folia laevissima in petiolum decurrentia crassa. Pedunculi teretes glabri sub flore tomentosi bi-trifidi.

Calyx cylindricus foliolis 12 — 20, corollulis brevioribus aequalibus, subtomentosis. Corollae luteae. Pericarpia fusca. Pappus conformis setis 10 — 12 aequalibus, longitudine pericarpium.

h. in frigidario. Frutex.

In Memoriam Cl. *Schmidti* Auctoris florae Boemicae dixi.

P a p p u s d i f f o r m i s.

HYOSERIS, *incrassata*, pedunculis incrassatis, foliis oblongis, dentatis acutis, calycibus glabris.

Hyoseris Hedypnois Linnaei.

Lapsana calycibus fructus capitatis dehiscentibus, pedunculis incrassatis, floribus nutantibus. *Linn hort. Upsf 246. n. 4.*

Caulis striatus, glaber, ramosus, subrectus. Folia sessilia: ima obovata: ramea oblonga: utrinque glabra, nervis subtus margineque scabris. Pedunculi glabri sub flore incrassati, striati, fistulosi. Calyx ovato-cylindricus, laciniis laevissimis.

Peri-